



ნახ. ღონისა

ერთი უარესი

— რას მერჩოდნენ, რქაგრებილავ, საკუთარი თავივით გიფრთხილდებოდი, მგელს არ გაკარებდი და მაინც მომხსნეს თავმჯდომარეობიდან.

— საკუთარი თავივით კი არა საკუთარი თავისთვის გვიფრთხილდებოდი, მაგრამ მგელი შეგვჭამდა თუ მგლის ბიძაშვილი, ჩვენთვის სულ ერთი არ იყო!..

„მზახუნალი ბიჭიაბი“

ამერიკა და ინგლისი თანდათანობით ეპატრონებიან ირანის ნავთის სარეწაობებს.

ნახ. მ. ვაღბოლსკისა



უცხოური კოვზები ირანულ ჭიქაში.

ზემოუზნალი არსენა

ზემოუზნაში პირველად შემოგზიარდა გაკრიკლებული „მერსედესი“. სოფლის ბიჭები უკან მიჰყენენ უცხო მანქანას, მანქანაში მსხდომნი ვერ იცნეს და როცა „მერსედესი“ ყაფლანაანთ ეზოში შეგუგუნდა, მხოლოდ მაშინ მიხვდნენ, რომ მანქანა ყაფლანის უფროსი ვაჟის, არსენასი იყო.

მანქანიდან გაპრიკლებულქეჩებიანი, ლოყებლაქლაქა არსენა გადმოვიდა, გალიბანდი გვერდზე ეხურა, სქელ კისერს ძლივსლა აბრუნებდა და მოზრდილი ღიპი სიარულს უშლიდა. ბიჭები მანქანის დაცლაზე მიეშველნენ, მძიმე ჩემოდნები და სავსე ჩანთები გადმოტვირთეს და მერე ისევ მანქანას შემოეხევივნენ.

— ვაჰ, რა კარგი წამოსაწოლია!

— მაგრა ეწევა?

— ჩვენებურია? — ეკითხებოდნენ მანქანაში დიდკაცურად გაჭიმულ შოფერს. შოფერმა მხოლოდ ერთხელ მიიხედა ახალგაზრდებისკენ და ერთადერთი სიტყვა დაცდა:

— ტრაფინია!

ყაფლანის ოჯახი განა მარტო შვილის ჩამოსვლის სიხარულით აივსო. მშობლებისა და ნათესავების მოყვარულმა შვილმა ყველაფერი ბლომად ჩამოიტანა, ფართლით და

ფეხსაცმლით, ჭაქრით და საპნით მარტო მოხუცი დედ-მამა კი არა, ნათესავ-მეზობლებიც მოიმაღლიერა.

— გაკეთებულია კაცი და ეგ არი!

— შვილით მაგისმა მშობლებმა დაიქადონ! — გაისმოდა მთელ სოფელში.

— პროფესორი თუ არი!

— არა, ექიმი იქნება, ან ინჟინერი!

მკითხაობდნენ უფრო შორეულები.

სადილად მთელი სოფელი მოიპატიჟა ყაფლანმა. ადგილობრივმა პატენტოვანმა თამადამ პირველი ჭიქიდანვე არსენასკენ მიმართა მთელი თავისი მკეგრემტყველება. „მთელი კუთხისა და უფრო მეტიც, მთელი საქართველოს სიამაყე“, „სასახელო, სახელგანთქმული სახლიკაცი“ დინჯად იჯდა სუფრის თავში და მისი მისამართით ასე ხელგაშლილად გაბნეულ ქება-დიდებას თავაზიანი მაღლობით ღებულობდა.

ღვინო რომ მოეკიდა, მხოლოდ მაშინ აუშვა ენა, მანამ სიტყვაძვირმა არსენამ. სტუმრებმა მაშინ გაიგეს პირველად რომ „სიამაყო მეზობელი“ „პურის საქმეში ყოფილა“, რომ მას თბილისში ორი სახლი აუშენებია — ერთი ცოლისძმის, ხოლო მეორე ქვისლის სახელზე. და რომ ის „ტრაფინი მაშინაც“, რომელმაც არსენა ამოდენა დოვლათით ამოაგელვა ორი

დღას სავალზე, მისი საკუთრება ყოფილა, „თუმცა შოფრის სახელზე გაფორმებული“.

— სად იშოვე?

— რა დაგიჯდა?

დააყარეს კითხვები ღვინით გათამამებულმა ახალგაზრდებმა.

არსენამ ორი თითი ასწია ზემოთ და აგდებულად თქვა: ორი მანეთი მივეცი, ერთი მანეთიც გაფორმებაზე წავიდა, სულ სამი მანეთი დამეხარჯა.

სტუმრებმა ნათქვამი ხუმრობად ჩათვალეს და გაიცინეს, ახალგაზრდები კი არ ეშვებოდნენ:

— მართლა რა დაგიჯდა არსენ, მაინც რა მიეცი?

არსენამ წარბი შეიკრა და ისევ ორი თითის აწევით დაადასტურა თავისი ნათქვამი: ოცი ათასი მივეცი, ორი მანეთი რაღა!..

არსენას ანგარიშით გაოცებულმა სტუმრებმა ერთიმეორეს გადახედეს. ბევრი იქ მყოფის წლიურ შემოსავალს არსენა ორი თითის ჩვენებით გამოხატავდა, ათათას მანეთს ერთ მანეთს ეძახდა და ასმანეთიანების დასტებს მარჯვნივ და მარცხნივ სწრიდა ხელში ნათესავებს.

სამი დღე მოილხინა არსენამ მშობლიურ სოფელში. მესამე დღეს საღამოხანს აიხირა თბილისში გამობრუნება.

ბევრი ეხვეწნენ ღამე შინ დარჩენილიყო, მაგრამ მთვრალმა არ დაიშალა.

„ტრაფინი მერსედესი“ უშველებელი ფარების ბდღვრილით მობუგუნებდა ბნელ ხეობაში. „ხაზენზე“ არანაკლებ მთვრალი შოფერი ჯერ არსენას საყვარელ ოროველას მღეროდა, მერე უფროსის ძილი მასაც გადაედო და...

არსენა მხოლოდ საავადმყოფოში მოეგო გონს. თოვლის კაცივით იდო ბინტში გახვეული ქათქათა ლოგინზე. თავით თვალტრემიანი ცოლი ეჯდა, ფერგამკრთალი, შეწუხებული.

თანდათან რომ მოღონიერდა და ჭამის მადაც მოუვიდა, ცოლის მოტანილმა სადილმა გააოცა:

— ქალო, მეტი ვერაფერი იშოვე? ძლივს ჭამა მომინდა და...

ცოლმა არაფერი უპასუხა, თეთრი პური და ორი კვერცხი დაუდო წინ მადაზე მოსულ არსენას.

არსენამ სუფრა ხელით გასწია და ცოლს გამწყრალმა მიმართა:

— რაღა დღისთვის ინახავ იმ ფულს, ხუთი თუმანი ხომ გქონდა სახლში!

ცოლმა ახალი ასმანეთიანების ხუთი დასტა ამოიღო, ხუთი ათასი დათვალა და არსენას ხელით ანიშნა ხუთი თითის აწევით: ხუთის მეტი აღარ მაქვსო.

— ხუთასი ათასი ათ წელიწადს ყოფნის სხვას და ამ ავადმყოფობაში ვერ მაყოფინებ? რამ გაგიტეხა გული ქალო! — გულმობრუნებულმა გაუღიმა ცოლს და სუფრისკენ გადმობრუნდა.

ცოლმა აცრემლებულ თვალებზე ცხვირ-სახოცი აიფარა. მაგიდაზე ორმოცდაათი, არსენასთვის ჯერ უცნობი ასმანეთიანი იდო.

ასე უიღბლოდ იმოგზაურა მშობლიურ კუთხეში „მეზობლების სიამაყე“. მისი „ტრაფინი“ მაშინის დამტვრეული ნაწილები ახლაც ჰყრია ღრმა ხევში ზემოუზნის გზაზე. რეფორმამ თავფეხდაჩეჩქილს მოუსწრო საავადმყოფოში, ცოლმა უმისოდ მეტი ვერაფერი იღონა — თუმანი მანეთზე გადაცვალა და ხუთასი ათასის ნაცვლად ხუთი ათასი მიიღო.

თავით არსენა ფრთებზამოყრილი დადის. პური ყოველ ნაბიჯზე იყიდება თავისუფლად, როგორც თვითონ ამბობს „პურის საქმე წახდა“ და ამიტომ პურის მაღაზიაში მოწყობას აღარ ცდილობს. ულუღშიც აღარაფერი ხეირია, ხოლო სამრეწველო საქონლის მაღაზიას ჯერ ვერსაიდან მიუღდა.

ზემოური


„...შევრთ. შტატების სახ. დეპარტამენტმა, ინგლისისა და საფრანგეთის სა-
გარეო საქმეთა სამინისტროებთან თანამშრომლობით გამოაქვეყნა ჰიტლერული
დიპლომატიური მოხელეების მოხსენებებისა და დღიურების სხვადასხვა ჩანა-
წერების კრებული“, რომელშიც იმპერიალისტი გაიძვერები ცდილობენ გააყალ-
ბონ ისტორია და ჩრდილი მიაყენონ საბჭოთა კავშირს.

„სასწაული“ რამ მომხდარა
ბუნებაში ამასწინაა:
ჯოჯოხეთში ბელზებელმა
თურმე ერთი შეყროყნი
და ბნელეთით „ბიზონიას“
ინსტრუქტორი მიუვლინა!—
თან იმ ეშმაკ ინსტრუქტორსა
დავალემა თურმე მისცა—
გულდადებით გასცნობდა
„კაპიტალის კუთვნილ მიწას“
და გაეგო თუ ფაშის
აღსადგენად, განსაფრთხილად,
უფრო მეტი თავდადებით
ომის შემდეგ ვინ იღვწოდა?
თაღლითის და გაიძვერის
ვის აქვს უფრო მეტი სტაჟი?
ვინ ცდილობს, რომ ხალხი ისევ
ამოახრჩოს სისხლის ზღვაში,
უფრო მეტი მოხერხებით
ვინ ღალატობს სინდის-მორალს,
უფრო მეტად ვინა სთითხნის
წარსულ ომზე მონაპოვარს,
ღირსიერის ჯიხით ვინ წვრთნის
მტაცებელთა ჯოგის ზოგადს?
— „ასეთებმა, — უთქვამს თურმე, —
არ დავტოვე მონაღორავს,
გულმოწყალებ ჩავთვლი ყველას
ბელზებელის თანამდევრად
და დავნიშნავ მანიფესტით
ჯოჯოხეთის ნამდვილ წევრად!“

ინსტრუქტორმა, „ბიზონიას“
როგორც იქნა მიადგო,
და თაღლით გაიძვერების
კრება უმაღლ მოიწვია...
რა თქმა უნდა, პირველ სიტყვით
იქ ჩამჩილი გამოვიდა,
რადგან ობერ-გაიძვერად
ის თავის თავს მუდამ თვლიდა.
— მეო, — სთქვა მან, — ბელზებელთან
ვარ იმისი მათხოვარი,
დამიჯეროს, რომ იმისი
მუდამ ვიყავ მიმდევარი!

აიონის ბიუროში

ნახ. დონისა



— ძლივს არ მოვიდა თოვლი!

ჩემი ხმალი, ჩემ სინდისის
ყლორტებს მუდამ ძირში ჰკვეთდა,
და ეს მწირი ბუწუწებიც
ლორთაში გამითეთრდა!
მართალია, ზოგიერთ წლებს
უომარად მივეყვებოდი,
მაგრამ თვითონ მაშინაც კი
ომისათვის ვირჯებოდი...
სხვას რომ თავი დავანებოთ,
ორ მსოფლიო ომს ხომ მაინც
ავტორად მე მოვევლინე,
მე მისმოხენ „ომის რაინდს“,
სიყალბის და ინტრიგების
ქსელი ვქსოვე, ვქსოვე, ვქსოვე,
და თუ ამით ბელზებელის
წყალობა ვერ მოვებოვე,
გაცნობებთ, რომ ახალ ომის
სამზადისიც გავაჩაღე
და ჩავუდექ სათავეში
ამა საქმის სხვა ყაჩაღებს!

იმედი მაქვს, თუ ვიცოცხლე,
ამავე გზით ვივლი, ვიდრე
ჯოჯოხეთის ფილიალსა
მიწაზეც არ დავამკვიდრებ!
— სიტყვას ვითხოვ! — სთქვა მარშალმა,
და ახმახად აღიმართა, —
მისტერებო, სერ უინსტონს,
ვერ გავციცხავთ, ბრძანებს მართალს,
მაგრამ ერთი არსებითი
შენიშვნა მსურს, (რაც არ უთხრეს):
თაღლითობის ავტორობას
ეგ ტყუილად ისაკუთრებს.
გამოდის რომ მისტერ ტრუმენს,
ეგ ტალანტი თითქოს არ აქვს,
მე მორცხვი ვარ და ჩემს თავზე
არ დავიწყებთ აქ ლაპარაკს,
მაგრამ ჩემს შეფს რაღას ერჩით,
დევწლი რომ არ დაუფასოთ?
ქვეყნის არეგ-დარეგაში
ჩამორჩება იგი სხვასო?
ვინ აკურთხა ჩემი გეგმა
„ციც ომს“ ახლა ვინ ამზადებს?
ვინ ყიდულობს დოლარებით
რეაქციის არამზადებს?
საბჭოეთზე კორებისთვის
ვინ იღვწა? ვინ იზრუნა
იალტის და თეირანის
შეთანხმების დასათრგუნად?
ერთის სიტყვით, — სერ უინსტონს
ბოლო სიტყვად ამას ვკადრებ:
ის ჯეროვნად ვერ აფასებს
თაღლითობის ახალ კადრებს!
— მე, მუსიო! — სთქვა დე გოლმა, —
პატიებას გევედრებით,
ვერ გოჟო ვარ, ღორბაში
თუმცა ვერ შეგედრებით,
მაგრამ ჩემი ხალხის ღალატს
კვლავაც ისე მოვანერგებ,
რომ თქვენს გაიძვერულ გარჯას
არაფერი შეაფერხებს...

იკამათეს, იჩერჩილეს,
იტრუმენეს, იბევენეს
და სატანის მითითებით
ბოლოს ასე დადგინეს:
„ვინაიდან ისტორიას
აქვს თავისი სამართალი
და ამ მზის ქვეშ გაიჩნევა
კვლავ ტყუილი და მართალი,
„ბიზონიას“ დაევალოს:
მზეს სინათლე აუკრძალოს,
რომ დაზნელებს, რომ „ვერ მიხედნ“,
ვინ სტუის და ვინ სწორია;
ერთი სიტყვით... რომ გაყალბდეს
ქეშმარიტი ისტორია...“

მაგრამ განა მართლა ბნელა?
განა მზე შუქს არ ამზადებს,
რომ სიბნელე ნათლად უჩნდეთ
გაიძვერა არამზადებს?

3, 1, 2, 3, 4, 5



— რა ამბავია, ამბავო, ქორწილი ხომ არა გაქვს,
ამდენი სურსათი ხომ გაგიფუჭდება!
— რას იზამ, ძამია, იაფი იყო და მალაზიაში და-
ტოვება დამენანა!

რიგის პროფესიონალის საყვედური

ნახ. ი. ქოქიაშვილისა



— აფსუს, რა დრო იყო, რიგში ჩადგებოდი და ღი-
ლიდან საღამომდე ხალხისგან რამდენ ახალ ამბავს
შეიტყობდი! ახლა ძალაუნებურად გაზეთი უნდა ეძებო!

პირობითი გასაუბრება



— ჩემსკენ მოიწი, ჩემო ძვირფასო!
— რალა ძვირფასი ვარ, ჩემო კარგო, მწყრის ფასი
მომაყერეს!

გაზაფხულის პირს, მწვანე მოღებე ზიზილა რომ დაჯდება, სწორედ იმფერყვავილებიანი საკაბე უყიდა გაგნამ საცოლეს. ბევრი არჩია და ეს უფრო მოეწონა თვალს. ყვავილებშიც ზიზილა უყვარს... ყვითელი, კვერცხის გულივით ყვითელი ზიზილა. ამ დილით, გენახის ბოლოებზე რომ გადაიარა, მაშინ თუ გახსენა ძურწა ბაღანში მომრავლებულმა ზიზილამ თავი? რაი-მაღაზიის ნაცნობმა ნოქარმაც შეუქო საკაბე: წვიმას უძლებსო, მზეს იტანსო...

ცეცხლსაც ზომ არაო? ღიმილით დაატანა გაგნამ. ახალი ოცდახუთმანეთიანები ჩაუთვალა და ცისფერ ქაოლდში ფაქიზად გახვეული ნავაჭრით სოფლისკენ შემობრუნდა.

ეს ზაფხულიც ლოდინისა იყოს. კორწოლი შემოდ-გომაზე ექნებათ. ხუთ წელიწადს ელოდა ეკა ომში წასულ გაგნას, ახლა ბიჭმა მოითმინოს ერთ ზაფხულს, რა იქნება!

შრომადღებებს ერთ ჯამში მოაქცევინ, მოსავალს ბელგში ჩაჰყრიან, ღვინოს ქვევრებში ჩაასხამენ. საპატარძლოც მზად იქნება და სასიძოც...

მეჯვარედ... მეჯვარედ კი არა, მოწმედ გიორგის წაიყვანს. კარგი ბიჭია, განათლებული და თავზიანი. ჯერ სამი თვეც არ გასულა, რაც ის ზნის აგრონომად დანიშნეს და უკვე მოზიბლა სოფელი. გაგნას გულშიც... აკი იმიტომ არაა ეს მათრახი. უარს არ იტყვის, არა.

უკვე სოფლის ბოლოში შეაღწია. თავის სახლს დაუპირისპირდა. ეკა სოფლის თავში ცხოვრობს. ჯერ იქ მივა. საჩუქარს მიუტანს და მალე, სულ მალე დაბრუნდება შინ. იცის, კარგად იცის, რომ დედა ელოდება, მაგრამ... მალე, სულ მალე გამობრუნდება.

დედას ლამაზი ფანჯარაში დაუდგამს. შეუქი სიბნელეს არღვევს და დაცარიელებულ შარავზე ტორტ-მანებს. დედაც იქვე ზის, ფანჯარასთან და მას ელის. გაგნამ სიარული განაგრძო.

ორღობის ბოლოს რომ მიადგო, ერთხელ კიდევ მოიხედა.

არ იწყებს დედა, არა!

აი, ეკას სახლიც...

რამდენჯერ კენჭი გადაუგდია ამ ფანჯრიდან, თვითონ კაკლისხეს მოაფარებია და გულისცემით დალოდებია ეკას გამოსვლას. ფანჯარა ახლაც ღიაა. თხელ ფარდას ნიაგი არხვეს. სანამ ეზოში შევა ფანჯარას უნდა გაუაროს. უნებურად, რომც არ უნდოდეს, მაინც უნდა შეიხედოს...

მაგიდასთან ვიღაც ვაჟკაცი ზის. ზურგი ფანჯრისკენ მოუქცევია, გადებულ ფანჯრისკენ. ნეტავ ვინ არი? მაგიდას მეორე მხარეს, უცნობის პირდაპირ ეკა ზის და მის ლაპარაკს უსმის. მის ზორბლისფერ, ეშხიან სახეს მაგიდაზე მდგარი ლამპრის მკრთალი სხივი დასთამაშებს. ყურადღებით უსმენს გოგონა, მოწყვნილი სახე აქვს. თითქოს რაღაცას აძლუბენ, რაღაცას!

ეს ზომ გიორგია. აგერ, ეზოში მისმა ცხენმაც დაიფრუტუნა.

რა უნდა გიორგის ამ დროს ეკასთან?..

ფრთხილად, მორიდებით სცილდება გაგნა კაკლისხეს და ახლოს მიდის ფანჯარასთან. კედელს ეკერის ლანდივით.

— არა, გიორგი, არ შემოძლია, არა!

ამბობს ეკა და თავს დარცხვენით ღუნავს. გიორგის ზმა არ ისმის. ზნადაბლა რაღაცას უმტკიცებს. უძრავად ზის, წინ გადახრილა და გრძნობს გაგნა, რომ აგრონომის წყვილი, ცისფერი თვალი თავჩალუნულ ეკას მისჩერებია.

ეკა თავს მალდა სწევს. ახლა მისი ფართო, დიდ-რონი თვალები გიორგის თვალებს ხვდება.

— ეს ზომ ლალატი იქნება, ლალატი... ამბობს კდემით ქალიშვილი.

მაგრამ ღიმილი რად კრთის მის თვალებში, ეშხიან, დიდრონ თვალებში?

რა არის აქ საღიმილო?

ამ თვალებს უჯერებდა, ამ თვალებს ენდობოდა აქამდის გაგნა!

შეხედეთ, შეხედეთ!.. გიორგი უფრო წინ იხრება. მაგიდაზე ნიდაყვებს აყრდნობს. სკამის ზურგიც ზევით იწევს, მის წაზრილ ზურგს მისდევს. ყურს იმახვილებს გაგნა, ესმის შემპარავი ჩურჩული, სიტყვად კი ვერ შეუქრავს ნაჩურჩულთა. აქეთ-იქით იმზირება გიორგი ფრთხილად. სანდახან კარისკენ გააპარებს თვალს. ფანჯრისკენ კი არ მოიხედოს, გაგნას ცეცხლიან თვალებს კი არ წააწყდეს!

ისევ ეკას ზმა სწვდება სმენას:

— გიორგი, ჯერ ზომ სამი თვეც არ არის, რაც შენ...

ჰო, მართლაც, სამი თვეც არ გასულა, რაც ეს (ეს...) აქ დანიშნეს აგრონომად და უკვე მოზიბლა სოფელი. აკი გაგნას გულიც მოინადირა.



— საით მიიჩქარი?

— თმა უნდა დავახვევინო. შენ საით?

— თმა უნდა დავაშლევინო!

მეჯვარედ, ჰაი დედასა, მეჯვარედ უპირებდა წაყვანას!

გაგნა უკვე აღარ ცდილობს მეტოქის სიტყვის დატერას. ეკას პასუხი ყველაფრისმთქმელია. ვნახოთ, ვნახოთ რას იტყვიან კიდევ?

— როგორ გაუბედო, როგორ? ეწყინება... თვალეში ვეღარ შევხედავ, ამყვია!

ეწყინებო? გესმით რა სიტყვა, ხალხო, ეწყინებო! სისხლს დაღვრის, სისხლს... აცადეთ, ახლავე ფანჯრიდან გადმოვიხტებო და გაჩვენებთ თავის სიამყეს!

— კარგი გიორგი, მე თანახმა ვარ თუ კი... ეხლა-ვე, ეხლავე მოველაპარაკებ დედას!

ეკა ფეხზე დგება. გიორგიც ფეხზე დგას და ხელს უწყდის ქალს.

ახლა უკვე გიორგის ხმაც ისმის. ღამემშვიდობისაო, ამბობს და ქუდს იხურავს, გაგნას ნაჩუქარ მათრახს ტანტიდან იღებს, ხელში ათამაშებს და კარისკენ მიდის.

არა, ჯერ არ გადახტება ფანჯრიდან!

დაბოლოვდეს, ჩათადეს ეს ამბავი, ვნახოთ რას იტყვის დედა?

დედა, დედა... რას იტყვის დედა?

ის ფანჯარასთან ზის და შვილის დაბრუნებას ელოდება... მან კი მხოლოდ ერთხელ მიიხედა. წინ გამოუარა თავის სახლს და არც კი შეეხმიანა. ზის ფანჯარასთან და საპატარძლოსთვის ცისფერყვავილებიან მოსასხამს ქარავს.

შარავე ცხენმა გაჰქუსლა.

ოთახში ჯერ ეკა შემოვიდა, შემდეგ დედამისი.

წელან, გიორგი რომ იჯდა, იმ სკამზე ეხლა ეკა ჯდება დედის პირდაპირ.

— რა უნდოდა, რად იყო?

მეცრად კითხულობს სასიდედრო. გაგნა გრძნობს, რომ არ გასწირავს სასიძოს ეს სამართლიანი დედა-კაცი. სამი წელია ვაჟკაცურად ბღღუნის ქართლის მწირ მიწას მისი რგოლი და მუდამ წინ არის, მუდამ ქების ღირსია მისი მარჯვენა. ეკაც თავის რგოლში ჰყავს, მხარში იყენებს ქალიშვილს, ტოლს იღებს, უფრთხილდება.

დედასთანაც დარცხვენილია ეკა. ეტყობა უმძიმს თქმა.

— ძან ამოვიღო თვალში... ვიცი, ვიცი რაც უნდა, სამი თვეა ასე გჩიჩინება, იმ დღეს მეც გადამიკრა სიტყვა. ადექ და დაუჯერე შენცა, რაც იყოს იყოს... დაგთმობ შვილი, დაგთმობ!

გასწირა. სასიდედრომაც გასწირა. აი შენი სამართ-

ლიანი დედაკაცი... ეხლა ვილას გადაუხტეს ფანჯრიდან, ვის დაეძგროს გავეშვებული გაგნა?..

— მართალია არ მეთმობი, მაგრამ მაინც ერთად ვიქნებით შვილო... ჩემი ხელი ყველგან მოგვდება... გაგნაც...

რაო?.. გაგნა რაღად ახსენეს, რატომ სათქმელი არ დაასრულეს? მასხრად გიგდებენ გაგნავ... წადი ბიჭო, წადი, წისქვილის წყალში გადაადგე ეს ზიზილიანი საკაბე, წვერი მოუშვი...

— როდის, როდის დაგნიშნავენ?

საქმე ნიშნობამდის მისულა, შენ კი სად გეძინა, ბიჭო, სად?..

— ძნელი საქმეა, ძნელი!

ამბობს ეკა. უკვე ფეხზე წამოდგარა. წინდაუკან დიდის.

— ან არა და, — ამბობს ის, — შეგძლებ კი?.. შენც გაგიკირდება უჩემოდ, რგოლი დაგეშლება, გოგოები სულ მე გამომყვებიან!

— შესძლებ!.. — ისმის დედის მშვიდი ხმა. — ცალი ფეხი სამარეში მიდგას და თუ კი მე შემოძლია, შენ ვეღარ გაუძლებდი საქმეს! პატარა ფხაა საჭირო და გასაჭრელი თავისთავად გაიჭრება!

საით შებრუნდა საუბარი გაგნაც! წელან თუ უჯერებდი, ახლაც დაუჯერე ყურს... სიტყვამ პირი იბრუნა, გაწაღმართდა.

— კარგი, რახან შენ მიჩრევე, ვიკისრებ... არ მეთმობოდი, მაგრამ რახან საჭიროა, ერთ რგოლს მეც გავუძლებდი, საქალეთს არ შევარცხენ!

ამბობს ეკა და კარისკენ მოუსვენრად იმზირება.

შენ გელის ქალის გული, გაგნაც, შენ... ოღონდაც! როგორ შეარცხვენდა საქალეთს სოფლის თვალი! ქალს მერგოლურად ნიშნავენ, შენ კი ნიშნობა გეგნა, სად არ წაახტე ფიქრი... კიდევ კარგი, კიდევ კარგი! (რომ ფანჯრიდან არ გადაუხტა...)

— გაგნამ რაღათ დაიგვიანა?

თითქოს ქალის თვალსა და გულს გაეხმიანა სასიდედრო.

სასიძო ფანჯარას სცილდება.

ზიზილისფერყვავილებიანი საკაბე მარცხენით გულზე მიუკრავს, მოწყვნილ მუხლებს ძლივს მიათრევს, გულისჩქროლას აყოლილ მარჯვენით ძლივს აკაუნებს კარს.

გიორგი შატაბერაშვილი

პიესის გადასარჩენად

ერთხელ, დრამატურგი რიჟკოვი მისი პიესის წარმოდგენის დროს შევიდა თეატრის დირექტორთან და საყვედურით მიმართა:

— რაღაც გაურკვეველად ღულღულებენ სცენაზე თქვენი მსახიობები, მათი დაპარაკიდან მაყურებელნი სიტყვებს ვერ არჩევენ.

— ამას პიესის გადარჩენის მიზნით შვებებიან, — მიუგო დირექტორმა, — გარკვევით რომ ილაპარაკონ, მაყურებელი გაიგებს რა მდარეა თქვენი პიესა.

ორი მიზეზი

ერთხელ, დრამატურგ ვიქტორ კრილოვს ჰკითხეს:

— რატომ არ ესწრებით სხვა ავტორების კომედიების წარმოდგენებს?

— უბრალო მიზეზის გამო: ძალიან მეწყინება თუ რომელიმე ჩემი კოლეგის პიესა ჩაფლავდება.

— მაგრამ თუ სხვისმა პიესამ გაიმარჯვა?

— მაშინ უფრო მეტად მეწყინება.

რა უფრო აღვილია?

ერთხელ, გამოჩენილ ინგლისელ მწერალს მიღტონს ჰკითხეს:

— რატომ არის, რომ ინგლისის მეფედ დასვეს მცირეწლოვანი მემკვიდრე, რომელსაც ჯერ ცოლიც კი არ შეურთავს?

— აღბათ იმიტომ, რომ ინგლისის სახელმწიფოს მართვა უფრო ადვილია, ვიდრე ცოლის მოვლა, — მიუგო მიღტონმა.



— ამ მსახიობს გემოვნება სრულებით არა აქვს.

— აღბათ ფიქრობს, რომ ეს არც საჭიროა მისთვის, რადგან ეხტრადაზე მუშაობს და არა გემოვნების მრეწველობის სამინისტროში.

ჰმაო ნიანგო!

გასული წლის 23 აპრილს თბილისის რკ. გზის სადგურის ბარგის შესანახ კამერას მიებაზე ნივთების ჩანთა. მეორე დღეს, ანაბრის უკან წამოღებისას აღმოჩნდა, რომ ჩანთაში აღარ იყო წამოსასხმელი („პლაშჩი“), რომელიც სამხედრო უწყებას ეკუთვნოდა და შეფასებული იყო 687 მან. და 50 კაპიკად. აღნიშნულის გამო მიემართე ვაგზლის უფროსის მოადგილეს სტრელჩენკოვს. მან დაწვრილებით ჩაიწერა ჩემი მისამართი და შემპირდა, რომ უახლოეს ხანში შემატყობინებდა ჩემი „პლაშჩის“ ბედს. მას შემდეგ თითქმის ათი თვე გავიდა. მე როგორც იყო, გადავიხადე „პლაშჩის“ საფასური, მაგრამ ერთი მაინტერესებს, ჰმაო ნიანგო, სტრელჩენკოვა წლისთავე თუ მაინც შემატყობინებს როგორ გაუმჯობესდა მგზავრთა მომსახურება თბილისის ვაგზალზე.

გ. ბახტაშვილი. სსრ კავშირის საპარაშუტო სპორტის ოსტატი, უფროსი ლეიტენანტი.

პატივცემულ ნიანგო!

რამდენიმე წლის წინათ, თბილისის რკინიგზის საინჟინერო ინსტიტუტის ადგილობრივ თანამშრომელთა ინსტიტუტის თანამშრომლებში შეგროვდა ფული. ამ ფულით ადგილობრივ კარტოფილი უნდა ეყიდნა და დაბალ ფასებში გაეხარებინა თანამშრომელთა ოჯახები. მაგრამ ვინაიდან ადგილობრივი მუშაკებს სხვის სიხარულზე მეტად საკუთარი ოჯახის გახარება ერჩიათ, შეკრებილი თანხიდან 23.000 მანეთი აგვადქვე-

ნეს. მას შემდეგ წლები გავიდა. ხშირად ვკითხავთ ადგილობრივი მოღვაწის მარგო ზოჯავეს ჩვენი ფული-სათვის, მაგრამ ასეთ პასუხს ვღებულობთ:

— ახლა ხომ იაფია კარტოფილი, მე რატომ მთხოვთ?

— ფული მაინც დაგვიბრუნე! — ვუბნებით ჩვენ.

— ის ფული, ჩემო კარგო, ახლა უკვე გაუქმებულია, ინტრიგანები ხომ არა ხართ, რომ გაუქმებულ საქმეზე დროს მაკარგებებთ?

პატივცემულო ნიანგო, მგონი რაღაცა ესწებათ ჩვენი ადგილობრივი მუშაკები: ჩვენი საქმე გაუქმებული კი არაა, განსახილველია ავტორიტეტული ორგანოების მიერ და ამაში თქვენს დახმარებას მოველით.

დაზარალებულნი

ამხანაგო ნიანგო!

ამ ერთი თვის წინათ სამტრედიის მაღაზიაში ვიყიდე რამდენიმე ბოთლი ყურძნის წვენი. აღნიშნული სასმელი, რასაკვირველია, ტკბილი იყო, მაგრამ საბოლოო ანგარიშში ისეთი მწარე გემო დამიტოვა, დღესაც მეწყინს... ჯიბე. საქმე იმაშია, რომ მაღაზიამ თითოეული ცარიელი ბოთლის საფასურად დიტოვა 5 მანეთი და დამპირდა, რომ ბოთლის დაბრუნებისთანავე დაიბრუნებდა მის საფასურს.

რამდენიმე დღის შემდეგ მაღაზიაში მივითანე ცარიელი ბოთლები, მაგრამ ასეთი პასუხი მივიღე:

— „თუ ჩვენგან იყიდით ღვინოს, არაყს, ან კონიაკს, ბოთლების ფასს გამოგიბრუნოთ“.

სამოცი წლის კაცი ვარ, აქამდე არ ვეტანებოდი მაგარ სასმელებს და ახლა რა გქნა, ამხ. ნიანგო, სამტრედიის, ან ბოთლის საფასურის ხატრით კონიაკ-არყის ხუხვა დავიწყო?

ფხიველი

საყვარელო ნიანგო!

ლენინის სახ. რაიონში არის ვოროშილოვის სახელობის ქუჩა. ფიქრობ, რომ ქალაქის კეთილმოწყობის განყოფილებას დაგიწყებული აქვს ასეთი ქუჩა საერთოდ არსებობს თუ არა, რადგან სრულიად უწყ-რადღებოდ არის მიტოვებული.

ამ ქუჩის შეკეთება დიდის ამბით იქნა დაწყებული 1946 წლის ოქტომბრის პირველ რიცხვში. რასაკვირველია, რაიონის მოსახლეობა აღტაცებითა და სიხარულით შეხვდა ამ წამოწყებას, მაგრამ? ვაი ამ წამოწყებას!.. ქუჩა ისე გადათხარეს, რომ აღარც ეტყობა აქ ქუჩა იყო თუ არა. ხოლო როდესაც ბუნება გაწყობდა და წვიმა მოდის, მაშინ აღნიშნულ ქუჩაზე სიარული შეუძლებელია როგორც ხალხის, ისე ტრანსპორტის. ამ ქუჩის შეკეთებას დღემდე არაფერი ეშველა.

ძალიან გთხოვთ პატივცემულო ნიანგო, მოზრ-დანდეთ, თქვენი თვალთ ნახოთ აღნიშნული ქუჩა და ჩანგლით მაინც მოათრიეთ მისი შემკეთებ-ლები.

გულშემატკივარი

